

O'ZBEKISTON
RESPUBLIKASI
MILLIY KITCH PALATASI

Vatan yagonadir, Vatan bittdir!


Tong

YULDUZI

O'zbekiston Respublikasi bolalar va o'smirlar gazetasi

Gazeta 1929-yil 1-avgustdan chiqa boshlagan

2009-yil
5-yanvar
N:1
(66698)



Eh, mazza qishki ta'lim,
Shodliklarga to'lar dil!

V.MYASNIKOV olgan suratlar



2009-yil – Qishloq taraqqiyoti va farovonligi yili

QISHLOG‘IM OBOD BO‘LADI

Men Alisher ismli bolani yaxshi bilaman. Uning dunyoga kelishi ham qutlug‘ kunlarga to‘g‘ri kelgan. Negaki, u istiqlol tengdoshi.

Alisher qishloqda tug‘ilgan. Shahardagi hayot uni hamisha maftun etsa-da, u o‘z qishlog‘ini hech bir go‘zal joyga alishmaydi.


Taqdir taqozosi bilan ularning oilasi Toshkentga ko‘chib keldi. Shu bois, u poytaxtdagi Sharqshunoslik akademik litseyga o‘qishga kirdi.

– **Nechta tilni bilasan?**

Alisher o‘ziga dabdurustdan berilgan bu savoldan hayron bo‘ldi. Yalt etib suhbatdoshlariga qaradi. Ularning chehrasida do‘stona mehr, iltifot sezilib turardi.

– Rus, ingliz, arab, xitoy va albatta o‘zbek tillarini, – jilmayib javob berdi u.

Alisherning poytaxtdagi do‘stlari bilan tanishuvi ana



shunday samimiyat bilan boshlangan edi.

– Alisher, bugun darsga tayyor emasmiz. Bizni qutqar, – ayrim talabalarning aytgan «iltimos»lari uni xursand qildi. Sababi, u o‘tgan va yangi mavzuga mazza qilib tayyorlanib kelgan edi-da. Qo‘shimcha adabiyotlardan, internetdan foydalandi, qiziqarli ma‘lumotlar to‘pladi. O‘zi bilgan, o‘rgangan bilimlarini o‘rtoqlariga ham o‘rgatishni juda-juda xohlardi.

Ustoz ham buni sezgandek uni doskaga chaqirdi. Alisherning fikrlari tiniqligi, ilmga chanqoqligini ustoz yaxshi bilardi. Shuning uchun ham o‘z hamkasblari bilan qanday fikrlashsa, bahslashsa va tortishsa, Alisher bilan ham shunday suhbatlashardi. Bu esa tinglovchilarga olam-olam zavq bag‘ishlar, ularning bilim dunyosiga kirib borishlariga turtki bo‘lardi. Talabalarga aynan shu kerak edi. Hatto «osongina» mavzuga tayyor emasliklaridan uyalishardi.

Tanaffus bo‘lishi bilan sinf sardori Jahongir:
– Hamma tarbiyaviy soatga, – deb yana bir bor eslatib qo‘ydi. Bu dars erkin mavzuga bag‘ishlangandi. Dilbar ona haqida, Sevvara muhabbat mavzusida she‘r yod olishdi. Shohruh va Baxtiyor kichik sahna ko‘rinishi orqali monolog aytishdi. Navbat Alisherga keldi. U Vatan haqida so‘z yuritdi.

– Yurt ozod bo‘ldi! Bu gaplarni hali maktabga bormasimdan avvalroq ko‘p bora eshitgandim. O‘shanda: «Nima, biz tutqunlikda edikmi?» degan savol qiynardi. Yillar o‘tib, haqiqiy ozodlik nima ekanligini angladim. Bir kuni otamga:

– Siz juda baxtlisiz. Mustaqillik e‘lon qilinishining guvohi bo‘lgansiz.

Shunda otam:

Men esa sizlarga – farzandlarimga havas qilaman. Chin ma‘nodagi baxtiyor insonlarsiz. Sizlar yurtning buyukligi uchun xizmat qilasiz. Bu faxr, iftixor emasmi...– dedilar ko‘zlariga yosh olib.

Otamning bu gaplari meni hamisha sergaklantiradi.

Men qishloq farzandiman. Qishlog‘im men bilan yana-da obod bo‘ladi. O‘qishlarimni tugatib, bilimim, mehnatimni o‘z qishlog‘imning rivojlanishiga sarflayman. Qishloqdoshlarim esa men bilan faxrlanadi.

Talabalar chapak chalib yuborishdi. Chunki bu gaplar Mustaqillik tengdoshlari – Alisherlarning yurakdan aytgan so‘zlari edi.

Feruza SOYIBJON qizi

MEN HAM KO‘P XAT YOZAMAN

«Assalomu alaykum, «Tong yulduzi» tahririyati!...»

Har gal sizning maktubingiz shunday boshlanadi. So‘ng, o‘z shahringiz, maktab-u do‘stlaringiz haqida yozasiz. Orangizda hatto o‘z ijodidan namunalar yuboradiganlar bor. Ularga havas qilib do‘stlashmoqchi bo‘lganlar qancha... So‘nggi vaqtlarda esa biz e‘lon qilgan tanlovlar, jumboqli rasmlarga ko‘pchiligingiz javob ham yo‘lladingiz. Demak, siz gazetamizni o‘qib bormoqdasiz. Barakalla, biz yil davomida xat yozgan barcha muxlislarimizdan minnatdormiz.

Axir orangizda bir yilda necha marotalab maktub bitganlar bor. «Endi men ham ko‘p xat yozaman», deysizmi? Marhamat! Hozircha esa tengdoshlaringizning yozganlarini o‘qib ko‘raylik-chi. Qani, kim nima haqida yozgan ekan?!

Qashqadaryo viloyati, Koson tumanidan Jobir Ismatillayev yana bizga xat yozibdi. Maktabining tashkil topganiga 15 yil

Surxondaryo viloyati, Sho‘rchi tumanidagi 50-maktab o‘quvchisi Mahbuba Normamatova esa bizga bir necha bor xat yozganini ta‘kidlab o‘tibdi. Va o‘z dugonasi haqida yozib, Toshkent va boshqa viloyatlarda yashovchi tengdoshlari bilan do‘stlashish niyati borligini bildiribdi. Sizda ham bu istak bo‘lsa, Mahbubaga xat yozing!

Zarnigor Tojiboyevani ham yaxshi tanisiz. U Andijon viloyati, Jalaquduq

(Hikoya)

G‘ayrat kompyuter o‘yiniga berilib ketgandi. Boyagina shu nimqorong‘i xonaning o‘zida tanishgan Ilhom ismli u tenggi bola ham yonida edi.

...G‘ayrat kompyuter orqali boshqarayotgan avtomobilini yo‘lda uchragan turli to‘siqlardan ehtiyotkorlik, ayni vaqtda chapdastlik bilan olib o‘tishga harakat qilar, Ilhom esa boshqaruvchi do‘stiga ko‘mak berganday:

– Chappa... endi esa o‘ngga. Ehtiyot bo‘l,– deya dalda bo‘lib turardi.


– G‘ayrat!

Bola juda tanish ovozdand bir qalqib oyoqqa turdi.

Qarasa, kompyuterxonaga kiraverishdagi nusxa olish apparati yonida dadasi Sobit aka allaqanday qog‘ozlarni ushlab turardi.

Essiz, G‘ayrat o‘yinga berilib, xonaga tasodifan kirib kelgan dadasini payqamay qolgani-chi?!

Sobit akaning qalin o‘siq qoshlari



chimirilib, o‘g‘liga jiddiy tikilib qoldi.

– Sen bu payt maktabda bo‘lishing kerak edi-ku. Bu nimasi?

G‘ayrat oyoqlari shalvirab, zo‘rg‘a dadasiga yaqinlashdi. Nima deyishni bilmay, bir zum kalovlanib turdi.

– Nega indamaysan? Gapir!

– D...dada, bilasizmi? O‘qituvchimizning ko‘pi kasal. Ikkinchi soatdan so‘ng dars bo‘lmadi. Zerikib, bu yoqqa...

G‘ayrat boshqa gapirishga jur‘at topolmay, odob saqlab, boshini egib turdi.

– Darslar bo‘lmadi, degin... Hali sen tushlikka deb olgan pullaringni o‘yinga sarflayapsanmi? Ko‘p dovdiramay, tezda uyga yetib bor.

Sobit aka shoshib turgan ekanmi, nusxa ko‘chirish apparatida

tumanidagi 15-maktabning 8-«B» sinf o‘quvchisi. Bizga doim xat yozib turadi. Bu galgi xatida gazetaning birorta ham sonini qoldirmay o‘qib borayotgani haqida yozganiga ishonasizmi?

Sirdaryo viloyatidan esa bir emas, uchta xat kelibdi. Guliston shahridagi 16-maktabning 7-«G» sinf o‘quvchisi Muhayyo Yunusova ona yurtimiz ravnaqi, «Yoshlar yili»ning imkoniyatlarga boy tarzda o‘tgani haqida so‘z yuritibdi.

Sinfidoshi Zuhra Irismatova esa gazetamizning yosh muxbiri bo‘lishni xohlar ekan. U she‘r, xabarlar yoza boshlabdi. Boyovut tumanidan Furqat Karimov esa hikoyalar yozib yuboribdi. Bir hikoyasi yolg‘onchilik haqida ekan. Bilasizmi, Furqatjon bizning ashaddiy muxlisimiz. Yil davomida bir necha xatlar yozdi.

Asolat Po‘latova esa xatlari gazeta sahifasidan o‘rin egallayotganidan xursand bo‘lib, bizga yana maktub yo‘llabdi. U Jizzax viloyati, G‘allaorol tumanidagi 17-maktabning 9-sinf o‘quvchisi. Asolat,

shuningdek, «Quvnoq tanaffus»dagi rasmlari jumboqqa u ham javob topganini va g‘olib bo‘lgan tengdoshlariga havas qilganini yozibdi.

Rang-barang xatlarni o‘qib, endi men ham ko‘p xat yozaman, deyayotgan bo‘lsangiz kerak. Yozing, qordek oppoq xatlaringiz yurt kezsin! Xat yozish fikringizni chiroyli, ifodali bayon qilishni o‘rganishingizga yordam beradi. Va albatta, xatlaringiz o‘zingizga o‘xshagan namunali, tartibli bo‘lsin!

Sayyora JO‘RAYEVA

DADANGDAN

ko‘paytirilgan hujjatlarni taxlab, sumkasiga solgan ko‘yi tashqariga otildi.

G‘ayrat tushga yaqin uyga qaytayotib, yo‘lda sinfdosh qo‘shnisi Jo‘raga duch kelib qoldi.

U erta bilan havo bulut bo‘lganiga soyabon bilan maktabga borgandi. Hozir esa bir qo‘lida papka, bir qo‘lida soyabonni aylantirib, bamaylixotir uyga qaytayotgandi.

G‘ayrat unga ko‘zi tusha solib:

– O‘qituvchilar meni so‘rashdimi? – deya o‘smoqchilay boshladi.

– Ha-a, so‘rashdi...

– Nima deding? Kasal deb qo‘ydingmi?

– Ha, aytdim. Ertalab nima tayinlagan bo‘lsang, o‘shani aytdim. Kasal yotibdi, ahvoli juda og‘ir, dedim, bildingmi?

– Boplabsan!– G‘ayrat uning gaplaridan ichdan suyundi-yu, ammo sinfdoshining so‘zlarida allaqanday kesatiq, piching, alamzadalik ohanglarini sezganday bo‘ldi. Uning semiz, go‘shtdor, baqaloq yuzi doimo qizillikka moyil edi. Bu safar xuddi sovqotganday gezarib ketgandi.

HECH QIZARMANG, QIZALOQLARIM!

Qizlar akademiyasi!
Xalqimizda «Qush uyasida ko'rganini qiladi», degan maqol bejiz aytilmagan. Tarbiya eng avvalo oiladan boshlanadi. Hayotga ilk qadam qo'ygan qizaloqlarimiz o'zi unib-o'sayotgan muhitga qarab taqlid qila boshlaydi. Zero, farzandlar tarbiyasi har birimizning oldimizdagi katta burchdir. Yangi yilga siz azizlarga atab tahririyatda «Qizlar akademiyasi» rukni ochildi. Bu rukni hayotning katta sinovlarini boshidan kechirgan Manzuraxon opangiz o'zining «Hech qizarmang, qizaloqlarim!» maqolasi bilan boshlaydi.



Mening go'zal, zukko qizaloqlarim! Siz chindan-da go'zalsiz, ko'cha-ko'yda barcha sizga havas bilan qaraydi. Lekin bilib qo'ying, ular kiyinishingizga emas, sizning odob-axloqingizga, ichki dunyoingizga ko'proq e'tibor berishadi. Siz esa buni payqamaysiz ham. Kattalarning nigohlari juda o'tkir bo'ladi. Ular hayot tajribalaridan kelib chiqib, yuzingizga qarab, sizni qanday oilada tarbiya topganingizni, ota-onangiz kim ekanligini darrov aytib berishadi. Birgina salom berishingizdan tortib, avtobus yoki jamoat joylarida o'zingizni tutishingiz, yurish-turishingizdan, kiyinish madaniyatingizdan bilib olishadi. Sizningcha, qanday qizlar chiroyli bo'lishadi? O'ziga oro bergan, zamonaviy taqinchoqlar-u zeb-ziyatga burgankan qizlarmi yoki aksincha, oddiygina kiyingan, sochlarini tartibli qilib

turmaklagan, yuzlariga bo'yoq surtmagan milliy libos kiygan qizlarmi? Albatta, ikkinchi toifali qizlar-da, shunday emasmi? Ularni yurish-turishidan, salomlashishidan, o'zini tutishidan axloqi ko'rinib turadi.

Dilbar qizlarjon! Siz endigina o'smir yoshdasiz. Bu yoshda siz o'qishda va uy yumushlarida biroz erinchoqroq bo'lib qolishingiz tabiiy. Siz bunday holatdan qutulishga harakat qiling. Men har sohada birinchi bo'lishim kerak, namunali qiz bo'lib, ota-onamga faqat «rahmatlar» olib kelishim shart, degan fikrni maqsad qilib qo'ying. Bu hayotga qadam qo'yishingizda eng to'g'ri yo'l bo'ladi. Boqibeg'amlik girdobiga tushib qolsangiz, undan sizni hech kim qutqara olmaydi.

Ustozlaringizdan gap eshitasiz, ota-onangizga ham tashvish ortirasiz. Eng asosiysi, ishlaringiz yurishmaydi. Bilganlaringiz ham esingizdan chiqib ketadi. Pandomuz so'zlarim uchun meni kechiring, qizaloqlarim! Lekin bu achchiq haqiqat.

Sizga bir misol keltiraman: Qo'shimning 6-sinfida o'qiydigan qizchasi bor. Ismi Dilnoza. O'zi juda tirishqoq qiz. Ko'rgan odamning havasi keladi. Maktabga peshinda borsa-da, ertalab barvaqt turib, ko'chahovlilarni supuradi, so'ng, onasining ishxonasiga borib yordamlashishgayam ulguradi. Uyiga qaytib, darrov ovqatlanib, maktabga boradi.

Albatta, bu ishlar kichikkina bir qizcha uchun ko'plik qiladi. O'qishni ham, ishni ham bir yo'la olib boryapti. Ertaga mustaqil hayotda qiynalmaydi, qoqilmaydi, hayot sinovlarini dadil yengib o'tadi. Uning birdan-bir niyati – oliy o'quv yurtiga kirib, ota-onasiga munosib farzand bo'lish.

Jon qizaloqlarim, sizlarning orangizda uy yumushlariga bo'yni yon bermaydigan ba'zi qizlar bo'lsa, o'zlariga to'g'ri xulosa chiqarib olishadi, deb o'ylayman. Dilnozadan o'rnak oling. Goho qizlarimizning o'z qilmishidan qizarib ketganiga guvoh ham bo'lamiz. Bas, shunday ekan, biz ularga kattalar oldida sira yuzingiz qizarmasin, degimiz keladi.

Sevimli qizaloqlarim, oralaringizda mehnatsevar, o'qish-ishda faol dugonalarigiz ko'p bo'lsa kerak. Bizga maktub orqali ular haqida (suratlari bilan) yozib yuborsangiz, mamnun bo'lardik. Maktublaringizni kutib qolamiz.

BAHRU BAYT AYTISHDI



Poytaxtimizning Mirobod tumanidagi 218-maktabda o'quvchilarga puxta bilim berish bilan bir qatorda, ma'rifiy tadbirlar o'tkazib turiladi. Kuni kecha maktabda tumandagi barcha maktablarning kutubxona mudirlari ishtirokida «Kitobsevarlar marafoni» o'tkazildi. Marafon davomida oltinchi sinflarning o'quvchilaridan tashkil topgan «Zakovat», «Bilimdon» va «Kitobsevarlar» jamoalari to'rt shart, ya'ni «Kitob ta'rifi», «Mahallamiz yozuvchilari – bizning faxrimiz», «Romanlarni nomma-nom sanash» va «Bahru bayt» aytish bo'yicha o'zaro bellashdilar.

Tadbirda ishtirok etgan shoirlar Barot Isroil, Tursunboy Adashboyev, yozuvchilar To'lqin Hayit va Said Anvar o'quvchilarning har bir chiqishini adolatli baholab bordilar. Shunisi diqqatga sazovorki, o'quvchilar qaysi soha bo'yicha savol berilmasin, puxta va mukammal javob berishga intildilar. Javoblar bolalarni kitob bilan yaqindan do'st ekanligini namoyon etdi. Marafon davomida zalning bir chetida turgan mo'jazgina qutiga ustozlar, o'quvchilar va mehmonlar dildan chiqarib ataganlarini tashlashdi. Ma'lum bo'lishicha, shu yo'l bilan maktab kutubxonasi noyob kitoblar bilan boyitilar ekan. Aslida gap undayam emas. Bunday tadbirlar o'quvchilarning faolligini oshiradi. O'z fikrini ochiq-ravshan bayon qilishga o'rgatadi. Bir narsaga amin bo'ldikki, 218-maktab tajribasi ibratlidir. Ulardan o'rganib, o'rnak olsa arziydi.



Yusuf ABDULLAYEV

ishiga nomunosib salmoqlanib gapira boshladi.

– Bilasanmi, G'ayrat, bekorga jahlim chiqayotgani yo'q. Senga yaxshilik qilaman, deb o'zim ko'pchilik oldida yolg'onchi bo'lib qoldim. Bugun dadang maktabga boribdilar. Sinfga kirib, hamma voqeadan xabar topdilar. Shuning uchun sizlarnikiga borolmayman!

«Demak, dadam kompyuter xonada meni ko'rgach, maktabga boribdilar-da», G'ayrat shu xayolga keldi-yu, undan qochishni xohlaganday asfalt ko'cha bo'ylab tez-tez yurib, tobora uzoqlashib borayotgan Jo'raning ortidan serraygancha qarab qoldi.

Dahlizdan oyoq uchida yurib, ichkariga kirmoqchi bo'lgan G'ayrat, aksiga olib dadasi xonada ekanligini sezib qoldi.

– Shu paytgacha bu bola qayoqlarda dovdirab yurgan ekan-a? – Sobit akaning onasiga aytgan baland ovozdagi so'zlarini eshitdi-yu, «Nahotki dadam urishmoqchi bo'lib, poylab o'tirgan bo'lsa?» degan vahimali o'y bir zumda butun vujudiga lohaslik olib kirdi. Shu tobda eshik tutqichini ushlagan barmoqlari titrayotganini o'zi ham sezmasdi...

Ulug'bek MUSTAFO,
Yangiyo'l tumani, Xalqobod qo'rg'oni

YANGI YIL ODATLARI

31-dekabr kuni dasturxon bayramona bezatilib, yaxshi niyatlar bilan Yangi yilni kutib olish barchaga zavq bag'ishlaydi. Ushbu bayram har bir davlatda o'ziga xos nishonlanadi.

TANGA VA ATIRGUL

Bolgariyada Yangi yilni barcha o'z uyida kutib oladi. Shu kuni oilaning eng kichik a'zosi archa yonida turib, barchaga qo'shiq kuylab beradi. Kichkintoyga minnatdorlik tariqasida kattalar sovg'a ulashadilar. Soat millari 24.00 ko'rsatganida, hamma bir-birini qutlaydi. Shundan so'nggina uy bekasi o'zi pishirgan pishiriqni kesa boshlaydi. Kimga pishiriq ichidan tangacha yoki atirgul bargi chiqsa, yil davomida unga boylik va muhabbat yo'ldosh bo'ladi, deyishadi. Bu an'ana Ruminiya va Avstraliyada ham mavjud.



QOG'OZDAGI ISTAKLAR

Buyuk britaniyaliklar Yangi yil kuni orzu-istaklarini qog'ozga yozib, uni yonib turgan pechkaga otishadi. Qog'oz yonib, tutuni havoga ko'tariladi. Ular osmonga chiqqan ezgu tilaklarini «Father Cristmas», ya'ni Qorbobo ro'yobga chiqarishiga umid qiladilar. Inglizlar ushbu kunda bir-birlariga sovg'a taqdim etadilar. Bu sovg'alar ichida albatta Yangi yil ramzlari ifodalangan otkritkalar bo'lishi shart, deb hisoblaydilar.

AYOL QORBOBO

Italiyada eski yil so'nggida derazadan eski va kerakmas bo'lgan buyumlar uloqtiriladi. Italiyaliklar Yangi yilga yangi buyumlar bilan kirishga odatlanganlar. 31-dekabrda erkak va ayollar o'z yaqinlariga qizil kiyim sovg'a qiladilar. Ularda aynan shu rang Yangi yil belgisi hisoblanadi. Kichkintoylar esa Qorqizdan emas, aksincha, ayol Qorbobodan sovg'a kutadilar.

ZEBO qiz tayyorladi

UYALAMAN...

Yo biror narsadan jahli chiqyaptimikan? Balki maktabda birortasi bilan urishgandir? G'ayrat turli xayollarga borsa-da, surishtirgisi kelmadi. Nima qiladi battar uning asabini qaynatib.

G'ayrat Jo'ra bilan yo'l bo'yidagi atrofiga quyuq tollar ekilgan hovuzgacha gaplashmay bordi. So'ng, xayoliga kelgan fikrni unga bildirib:

– Menga qara, o'rtoq... yaxshiliging uchun rahmat. Kechqurun biznikiga kel. Video tomosha qilamiz, – dedi. Jo'ra yurishdan to'xtab, biroz o'ylanib turgach:
– Yo'q, borolmayman, og'ayni, – dedi ohista tovushda.
– Nima uchun?
– Bilsang, dadangdan uyalaman.

Jo'raning negadir qizarinsirab aytgan so'zlari va holati G'ayratning kulgisini qistatdi. Hoholab kulishdan arang o'zini tiyib:

– Esing joyidami, o'rtoq, nimalar deyapsan? Nega dadamdan uyalarkansan! – dedi ajablanib.

Jo'ra kuz bo'lganiga mayda sariq barglari hovuzga to'kilayotgan tollarga qarab bir zum jim qoldi. So'ng,

O'TTIZ YILLIK QADRDONIM

«Tong yulduzi» mening o'ttiz yillik qadrdomim, desam ajablanmang. Sababi, mana yigirma yildirki, o'zim tahsil olgan maktabda bolalar tashkilotiga rahbarlik qilib kelyapman. O'quvchilarim bilan birgalikda gazetaning har bir sonini katta qiziqish bilan o'qib chiqamiz, maqola va xabarlarini muhokama qilamiz.

Kelgusi yil gazetamizning 80 yilligini nishonlaymiz. Shu munosabat bilan ko'plab tadbirlar, davra suhbatlari o'tkazishni rejalashtiryapmiz. Tadbirlarimizni qiziqarli, mazmunli o'tishi uchun gazetaning tarixi, birinchi sonining qachon va qayerda chop etilgani, birinchi Bosh muharriri kimligi, avval qanday nom bilan atalgani, qo'yinch, gazeta haqida batafsil ma'lumot berishingizni so'rayman.

Rahima OTAJONOVA,
Xorazm viloyati, Shovot tumanidagi
41-maktab bolalar tashkiloti yetakchisi

TAHRIRIYATDAN:

Darhaqiqat, bu yil 1-avgustda Respublika bolalar va o'smirlar gazetasi «Tong yulduzi»ning «Lenin uchquni» nomi bilan chiqqan boshlaganiga roppa-rosa 80 yil bo'ladi. Shu yillar mobaynida bu tabarruk dargohda qanchadan-qancha bolalar ijodkorlari, shoir-u yozuvchilari, mahoratli jurnalistlar, bolaqalbli insonlar mehnat qilishmadi deysiz?! Ularning har biri jonli bir tarix.

Hamkasblarimizning tahririyatda faoliyat ko'rsatgan yillaridagi xotiralari bugungi o'quvchilarimizga ham juda qiziqarli, maroqli bo'ladi, deb o'ylaymiz. Shu maqsadda «Qadrdom gazetam» nomli yangi rukn tashkil qildik. Bu dargohda mehnat qilgan barcha insonlarni hamkorlikka chorlaymiz.


Quyida xorazmlik muxlisimiz Rahima Otajonovaning iltimosiga ko'ra, gazeta tarixiga oid ayrim ma'lumotlarni keltirib o'tmoqchimiz:

«Tong yulduzi» («Lenin uchquni») gazetasining 1-soni 1929-yili 1-avgustda 3000 nusxada Samarqandda chop etilgan. 1931-yildan Toshkentda nashr etila boshlagan. Gazetaga turli davrlarda Hotam Qirg'izboev, Yo'ldosh Shamsharov, Sanjar Tilla, Ramz Bobojon, G'ani Jahongirov, Suhrob Yo'ldoshev, Abdusaid Ko'chimov singari adib va jurnalistlar muharrirlik qilishgan.

Bugun gazeta tahririyatida uzoq yillar davomida Bosh muharrirlik qilgan taniqli jurnalist Suhrob Yo'ldoshevning maroqli xotiralari bir quloq tutaylik-a:

Gazeta tahririyatida ishlashni talabalik yillarimdan boshlagandim. Dastlab musahhih yordamchisi, musahhih, Nizomiy nomidagi pedagogika institutini tamomlagach, adabiy xodim, bo'lim mudiri vazifalarida ishladim. Shu yoshimda ham bolalar, yoshlar hayotiga oid maqolalar, ocherk va hikoyalar yozishni kanda qilgim yo'q.

Inson hayotida unutilmas voqealar ko'p bo'ladi. Matbuotda birinchi maqolam, nashriyotda ilk kitobim chop etilgan kunni, shuningdek, gazetaga Bosh muharrir etib tayinlangan kunimni sira unutmayman. Yigirma besh yillik muharrirlik davrimga qanday baho berishni bilmayman-u, lekin O'ktam Usmonov, Tohir Malik, Sulaymon Rahmon, Muhammad Ali, Tolib Yo'ldosh, Omon Muxtor, Safar Barno, Fayzi Shohismoil, Sulton Jabbor, Shohruh Akbar, Erkin Malikov, Erkin Xo'jayev, Ikrom O'tbosarov, Tursunoy



boraman. Uning har bir sonini qiziqarli bir kitob deyish mumkin. Sakkiz betdan iborat bo'lgan rangli tasvirdagi gazetani qo'lga

HAR SONI BIR KITOB...

Ahmedova kabi taniqli shoir va yozuvchilar, iqtidorli jurnalistlar bilan ishlaganimni faxr bilan yodga olaman. Ayniqsa, fotomuxbirimiz Ravil Albekovning fidoiyligini yoshlarimizga ibrat qilgim keladi. Hamkasblarim orasidan O'zbekiston xalq shoirlari, yozuvchilari, Respublikada xizmat ko'rsatgan jurnalistlar hamda madaniyat xodimlari yetishib chiqqanidan behad mamnunman.

Shuningdek, mening kamtarona mehnatlarim ham munosib taqdirlandi. Hukumatimizning ko'plab «Faxriy yorliq»lari bilan taqdirlandim. «O'zbekiston respublikasida xizmat ko'rsatgan o'qituvchi» faxriy unvoniga sazovor bo'ldim.

Dastlab 3000 nusxada chop etila boshlagan gazetamiz 1984-yilda 1 million 150 ming nafar o'quvchining xonadoniga kirib borgandi. Xodimlarimiz viloyatlar, tumanlarda maktabma-maktab yurib, obunani tashkillashtirishar, sinflararo musobaqalar o'tkazilardi.

Tahririyatimiz qoshida «Yosh muxbirlar» maktabi faoliyat ko'rsatardi. Uning ichki va sirtqi bo'limlariga yuzlab o'quvchilar a'zo edilar. Kuniga 300-400 tagacha xatlar olardi.

Shu o'rinda gazeta sahifalaridagi maqolalarda kimlar va nimalar haqida yozilardi, degan savol tug'ilishi mumkin. O'sha paytlarda ham hozirgidek respublikamiz bolalari hayotidagi yangiliklar, ularning har sohada qo'lga kiritayotgan yutuqlari, muammolari, shuningdek, dunyo bolalari hayotiga oid qiziqarli ma'lumotlar haqida yozilardi.

Bu an'anani hozirda mustaqillik mevasi bo'lmish «Tong yulduzi» davom ettirib kelyapti. Ko'p yillar davomida bolalar bilan ishlagan insonlar bolako'ngil bo'lib qolisharkanmi, bu gazetani hali ham zavq bilan o'qib

olib, ajoyibotlarga boy bolalar hayoti aks etgan sahifalarini varaqlab, havas qilaman. Ilgarilari gazetaning bunday holatda chop etilishini biz hatto orzu ham qilolmasdik. U nafaqat tashqi ko'rinishi, mazmun-mohiyati, mundarijasining rang-barangligi jihatidan ham avvalgilaridan o'n, hatto yuz chandon yaxshi chiqyapti. Lekin adadining kamligi tashvishlantiradi kishini. Shahrimizdagi bir emas, bir necha gazeta do'konlarini aylanib ham topolmaymiz uni. Poytaxtdaki ahvol shu bo'lsa, viloyatlar, tumanlar, chekka-chekka qishloqlardagi holatni gapirmasak ham bo'larkan-da.

Gazetaning 80 yilligi nishonlanadigan mazkur yilimizda bu quvnoq gazeta har bir xonadonga kirib borishini istardim...

Xullas, qilingan va qilinishi lozim bo'lgan ishlar ham kam emas. Bolalar ma'naviyatini shakllantirishdek xayrli, ezgu ishlarga o'z hissasini qo'shib kelayotgan gazeta jamoasi, uning faol muxbirlari bu yo'lda sira charchashmasin. «Tong yulduzi»ning nurlari hamisha porlab tursin!..

Otaxon bilan qizg'in suhbatimiz yana ancha davom etdi. Ish tajribalari, obunani tashkillashtirish xususidagi fikrlari bilan o'rtoqlashdilar. U kishi yaqinda ibratli bir ishga qo'l uribdilar: o'zlari istiqomat qilayotgan mahalladagi bolajonlarning ota-onalari, buva va buvijonlar bilan hamsuhbat bo'lish asnosida farzandlarini, nabiralari «Tong yulduzi» gazetasiga obuna qildirishlarini maslahat beryaptilar.

Biz esa ezgu-maqsadlar yo'lidagi ishlariga rivoj tilab, «Hormang, muharrir bobo!» deb qolamiz.

Feruz ABDUSAMAD qizi suhbatlashdi

«TUNGI SUHBAT» turkumidan

Salom, bu men – Karim. Men ko'plab gazeta va jurnallarni o'qib turaman. O'tgan kuni gazetadan bir maqolani o'qib, yoshligim yodimga tushdi. Qiziqayotgan bo'lsangiz, marhamat, so'zlab beray:

Men yoshligimda juda o'yinqaroq bola bo'lganman. Ko'plab o'rtog'larim bo'lgan. Bundan ancha yillar ilgari (o'shanda 4-sinfda o'qir edim) qiziq bir voqea bo'lgan. Yaxshi ko'rgan faslim – qish edi. Bu fasl ba'zi o'rtoqlarimga yoqmasdi. Qor yoqqan kunlari ich-ichimdan quvonardim. Bir kuni do'stlarim bilan maktabdan qaytayotganimizda, osmonni oppoq tangachalar qoplab qor yog'a boshladi. Hammamiz yugurib, quvnaq osmonga qo'l cho'zdik. Kimdir uyiga shoshildi, kimdir qor o'ynab qoldi. Uyim uzoqdaligi sabab hech yoqqa shoshilmadim, axir bunday kunlar tez-tez takrorlanmaydi-ku. Qor tinsin, keyin uyga boraman, degan bahona bilan keksa tut daraxtining ostida o'tirib qor yog'ishini kuzatdim. Shu payt yonginamda qandaydir qushning ovozi eshitildi. U yoq-bu yoqqa



MEHR ULASHAYLIK

qaradim, qush ko'rinmadi. Balki qulog'imga eshitilgandir, deb yana qor yog'ishini kuzatdim. Birozdan so'ng, yana o'sha ovoz eshitildi, beixtiyor ortimga qaradim, kichkina qushcha qanotlarini yozib, qor ustida behol yotardi. Uni darhol qo'limga oldim. Sovuqda qanotlari muzlab, karaxt bo'lib qolibdi. Qushchani avaylabgina uyga olib ketdim. Hech kimga sezdirmay qog'oz qutiga solib, karavotim ostiga yashirib qo'ydim.

Tun bo'yi uxlayolmay chiqdim.

Xayolan qushcha bilan suhbatlashib, gohida astagina holidan xabar olib turdim. Onam esa mening bezovtalanganimni sezib, ikki-uch bor:

– Senga nima bo'ldi, biror joying og'riyaptimi? – deya xavotirlanib peshonamni ushlab ko'rdilar.

– Men yaxshiman, onajon, bilasiz-ku, qorni yaxshi ko'raman, derazadan qarab turgim keldi, – deb onamni tinchlantirdim. So'ngra, yana xayolga toldim: «Qushchani onasi bormikan? Bor bo'lsa, bolasini o'ylab

yig'lab o'tirgandir. Tunda uni qayerdan ham topardi». Shu payt quti ichidagi qushcha meni eshitgandek tipirlab qoldi. Demak, taniga harorat kirib o'ziga kelibdi-da. Suyunib boshimni karavot ostiga suqdim-da, qog'oz qutini ochdim. Qushcha chindan ham oyoqqa turib, tashlagan non ushoqlarni terib yebdi. Balki suv ichgisi kelayotgandir, deb kichkina piyolaga suv qo'ydim. Endi uxlasak bo'ladi, dedim-da, qushchani joyiga surib karavotga cho'zildim...

Erta tongda qushlarning ovozi eshitildi, o'rimdan turib, deraza oldiga bordim. Bir to'p qushlar chug'urashib ro'paramda charx urar, nimanidir sezgandek sira ketmasdi. Yugurib xonamga kirdim. Qushchani qo'limga oldim-da, ayvonga otildim. Qushlar galasi hamon derazamiz qarshisida shodon qanot qoqar, go'yo raqsga tushishardi. Beixtiyor qo'limni derazadan chiqarib, kaftimni ochdim. Qushcha ohista qanot qoqib yuqoriga ko'tarildi-da, bir aylanib yana pastga sho'ng'idi, menga ta'zim qilgan kabi yonimda uchib o'tdi va qushlar galasiga qo'shildi...

Shohjahon RAUPOV



Bizning baxtli, farovon yashashimiz, puxta bilim olishimiz uchun qonunlar ishlab chiqiladigan O'zbekiston Respublikasi Oliy Majlis Qonunchilik palatasi binosini o'z ko'zim bilan ko'rishni niyat qilib yurardim.

DEPUTATLAR BILAN UCHRASHDIK

Yaqinda ana shu orzuim ushaldi. Biz «Tong yulduzi» tahririyati qoshidagi «Yosh qalamkashlar» to'garagi a'zolari Senat binosiga sayohat uyushtirdik. Sharifa Salimova, Ravshan Oxunov, Anora Bobomurodova, Muhabbat Abdullayeva, Surayyo Ahmedova, Olim O'sarov kabi deputatlar bilan uchrashdik. Qiziqarli savol-javoblar tarzida o'tgan suhbatimiz so'nggida Olimjon aka O'sarov muhtasham binoni sayr qildirdilar. Bino atrofini o'rab turgan 36 metrli 36 dona ustunlarni, kattaligi jihatdan dunyoda ikkinchi o'rinni egallaydigan qandilni hayrat bilan tomosha qildik.

Yana, davlatimiz byudjetining kattagina qismi biz bolalarning ta'lim olishimiz uchun ajratilishini bilib oldik.

Sayohatdan olgan taassurotlarimni sinfdoshlarim bilan o'rtoqlashdim.

Aziza AKBAR qizi,
Toshkentdagi 249-maktabning 6-sinf o'quvchisi

O'ZIM UYALIB QOLDIM

4 yoshli cho'g'imda oyijonim jajjigina chaqaloq olib keldilar. Uyimiz to'la mehmon, hamma xursand. «Bu sening singling Hojiyaxon», deya tanishtirishdi menga. Uni uzoq tomosha qildim, u esa ko'zini ochmasdi. Qorni to'ygach, pishillab uxlayverardi. Kechalari esa yig'lab uyqu bermasdi.




O'shanda, menga yig'loqi chaqaloq kerakmas, deya xarxasha qilganim yodimda. Hozir esa singlim dastyor bo'lib, qo'limdan ishimni oldi. Chaqaloq kerakmas, degan gapimdan o'zim

uyalib qoldim.

Feruza AHMATOVA

AYYOR TULKI



Men o'rmonda ayyorman,
Tekin oshga tayyorman.
Hayvonlar dog'da qolar,
Chunki pandi bisyorman.

Tul kampirning xo'rozin,
Kecha ko'tardim nozin.
Avval rosa kuylatib,
So'ng o'chirdim ovozin.

Madina BEKNAZAROVA,

Toshkent viloyati, O'rtachirchiq tumanidagi 29-maktabning 6-sinf o'quvchisi

Yaqinda Xorazm viloyati, Xonqa tumanidagi 33-maktabning 8-sinf o'quvchisi Jayrona Sultonovadan maktub oldik. Yodingizda bo'lsa, u «Quvnoq tanaffus» sahifasida e'lon qilingan rasmi topishmoqqa birinchilardan bo'lib to'g'ri javob yo'llagani uchun taqdirlangandi. Maktubida tahririyatimiz tomonidan yuborilgan «Maqto'v yorlig'i» hamda sovg'ani olib, behad quvongani, ustozlari ham, sinfdoshlari ham juda mamnun bo'lishgani haqida yozibdi. Tengdoshlarining bilimdonligi, zukkoligini sinash maqsadida o'zi ham bir jumboqli masala yozib yuboribdi:

1-masala:

Bir kishi sotuvchining yoniga borib, o'zida qancha pul bo'lsa, shuncha so'm qarz oldi va 100 so'mini sarfladi. Ikkinchi sotuvchining yoniga borib, o'zida qancha pul bo'lsa, yana shuncha qarz oldi va 200 so'mini sarfladi. U yana ikki sotuvchi bilan yuqoridagi holatni takrorladi va mos ravishda 500 va 600 so'mdan sarfladi. Oxirgi sotuvchi bilan xayrlashgach, puli qolmadi. Xo'sh, dastlab uning qancha puli bo'lgan va qanchasini sarflagan?

2-masala:

Bir kishi bozorga tuxum olib kelib, birinchi xaridorga tuxumlarining yarmini va yana bittasini, ikkinchi xaridorga qolgan tuxumlarining yarmini va yana bittasini, uchinchi xaridorga esa qolgan tuxumlarining yarmini va yana bittasini sotdi. Shundan so'ng, unda 15 ta tuxum qoldi. Xo'sh, sotuvchi bozorga nechta tuxum olib kelgan?

3-masala:

Ikki xaridor tijorat do'konidan 15 ming so'mga ikkita bir xil buyum olibdi. Oradan biroz vaqt o'tgach sotuvchi buyumlarining narxi 500 so'mdan ekanligini sezib qolib, xaridorlarga 500 so'mni qaytarib berish maqsadida ularning ortidan ketayotib, yo'lda 300 so'm pulini yo'qotib qo'yibdi va xaridorlarga 1 so'mdan beribdi. Endi mulohaza yuritaylik: bu holda xaridorlarning har biri 6,5 ming so'mdan bergan bo'ladi. Ikkala xaridor 13 ming so'm berdi va yo'lda 300 so'm yo'qolib qoldi. Jami 16 so'm bo'lyapti. Xo'sh, unda 100 so'm qayerdan kelib qoldi?


QISHKI TA'TIL SARGUZASHTGA BOY BO'LSIN!

Tahririyatimizga kelayotgan maktublarning aksariyati «Quvnoq tanaffus» sahifasiga ekanligi uning oz fursatda o'z o'quvchilarini topganidan dalolat. Sahifadagi rang-barang rasmlarni ko'rib, tasviriy san'at ixlosmandlari safi kengayayotganidan behad mamnumiz.

Bugun e'tiboringizga havola qilayotgan rasmlarimizni jizzaxlik Elmira Ochilova chizib

yuboribdi. Ularning milliylik ruhi bilan sug'orilgani yana-da quvontiradi kishini.

Qishki ta'til kunlaringiz ham sarguzashtlarga boy bo'ladi, deya umid qilamiz. Ular haqida «Quvnoq tanaffus»ga albatta yozib yuboring!



XANDALAR

O'qituvchi:

– Ko'rsichqon bir kunda o'z og'irligidan ikki barobar ko'p ovqat yeydi.

O'quvchi:

– Iye, ko'rsichqon o'z og'irligini qayerdan biladi?



Botir uyga kichkina toshbaqa olib kelib parvarishlay boshladi.

– Qo'yib yubor, nima qilasan bechorani qiynab, – dedi onasi.

– Toshbaqalar ikki yuz yil yashaydi, deyishadi. Sinab ko'raylik-chi, shu gap to'g'rimikan, – javob qildi Botirjon.



Qo'qon 1-akademik litsey talabasi
Hamidjon POZILOV to'plagan

MENING BIR VATANIM BOR



Mening bir Vatanim bor, bir Vatan-ki, bir Vatan,
Mening bir chamanim bor, bir chaman-ki, bir chaman.
Mening bir samanim bor, bir saman-ki, bir saman,
Mening bir Vatanim bor, unga fido jon-u tan.

Ishkomlardan uzumlar qishga qadar arimas,
Chollari, kampirlari yuz yoshgacha qarimas.
Har uydan mayin alla, inga-inga kelar sas,
Mening bir Vatanim bor, bir Vatan-ki, bir Vatan.

Basharni kiyintirib to'yintirar dehqoni,
Ovrupo e'zoziga loyiq Sohibqironi.
O'zga el yaxshisidan yaxshiroqdir yomoni,
Mening bir Vatanim bor, bir Vatan-ki, bir Vatan.

Davrimning xush paytlarin yuragimga jo qildim,
Navoiyning baytlarin yuragimga jo qildim.
Mirzo Bobur qaydlarin yuragimga jo qildim,
Mening bir Vatanim bor, bir Vatan-ki, bir Vatan.

Bu Vatan – Buxoriylar, Kubrolarning Vatani,
Al-Xorazmiy, Beruniy, Sinolarning Vatani.
Va mening kabi oddiy Mirzolarning Vatani,
Mening bir Vatanim bor, bir Vatan-ki, bir Vatan.

Yigitlari alp qomat, Barchin misol qizlari,
Azim Nil qirg'og'ida al-Farg'oniy izlari.
Yofas ibn Nuhga band nasabi – ildizlari,
Mening bir Vatanim bor, bir Vatan-ki, bir Vatan.

Har birimiz ertani umid bilan qutlaymiz,
Zamon o'tar, istiqloq kalomin unutmamiz.
Va lek Vatan tuprog'in mudom ko'zga surtgaymiz,
Mening bir Vatanim bor, bir Vatan-ki, bir Vatan.

Mirza QAYNAROV,
Sirdaryo viloyati, Sardoba tumani

SHE'RIM

Oppoq kabutarlar qanotin yozib,
Moviyrang samoga etganda parvoz.
Qalamim oq qog'oz uzra tebranib,
Mening yuragimda beradi ovöz.

She'r yaralgan onda yuragim pora,
Uni oq qog'ozga tushirish qiyin.
Qo'llarim tolmaydi, ammo xayolda,
Yangi o'y-fikrlar, tushunish qiyin.

She'rim yuragimda ochilgan gulim,
Gulbarglarin asta to'kar qog'ozga.
Hali juda uzoq-uzoq manzilim,
She'rim, sen-la kirdim go'zal olamga.

Kamola O'RINOVA,
Xorazm viloyati, Shovot tumani

Yozuvchi bobongiz Jo'ra Fozil 1949-yil 5-oktabrda
Buxoro viloyati, Romitan tumanida tug'ilgan.
ToshDU jurnalistika fakultetini tugatgan. Hozir
«Romitannoma» gazetasi Bosh muharriri vazifasida
ishlaydi.

O'zbekiston yozuvchilar uyushmasi a'zosi Jo'ra
Fozilning «Muhabbatning bayramlari», «Barqut
mavsum», «Buxoro elchisi», «Baxt yulduzi»,
«Mening qizil gulim», «Bolalikning yolg'iz
yodgori», «Ayriliq ostonasi», «Tiramoq armonlari»
kabi hikoyalar, qissalar va romanlaridan iborat
kitoblari nashr etilgan. Jo'ra Fozil, shuningdek, rus
adiblari Konstantin Paustovskiy va Viktor
Astafevning qissa va romanlarini rus tilidan tarjima
qilgan.

Bobongizni bolalar uchun yozilgan asarlari ham
talaygina. Quyida berilayotgan hikoyalar aynan
sizlar uchun atalgan.



MEHR BAHORI

(Hikoya)

Oilada kenja o'g'il bo'lganim sabab, hiyla sho'x, injiq
va erka edim. Bu erkalikning o'ziga xos imtiyozlari ham
bo'lib, taomning avvali, meva-chevaning eng sarxili
meniki edi. Hech qayerda yozilmagan bu qoidaga ota-
onam so'zsiz amal qilardilar. Onam haddan oshib
ketgan sho'xliklarim uchun onda-sonda jazolab tursalar-
da, u kishining cheksiz mehrlarini murg'ak yuragim
sezardi. U kishi hech qachon meni yomonlamas, men
bilan bog'liq hamma narsa doimo eng «a'lo» edi onam
uchun.

Keyin... Keyin qishning yomg'ir aralash qor yoqqan
qora bir kunida onam foni dunyoni tark etdilar. Men
onamning cheksiz mehrlaridan bahramand bo'lmay
yashashga bir amallab ko'nikdim. Endi hech kim
taomning avvalini ham, mevaning sarxilini ham menga
ilinmas va bunga ham ko'nikib ketgandim.

Oradan ko'p yillar o'tdi. Kimdir onam singari mehr
ko'rsatishi mumkinmi, degan fikrni xayolimga ham
keltirmasdim. Imonim komil ediki, endi bunday mehr
menga sira nasib etmaydi. Lekin keyinchalik
yanglishanimni anglay boshladim. Bu... nevaralarim
ulg'aya boshlagach ma'lum bo'ldi. Katta o'g'limning
qizi Iroda qiliqlari bilan onam vafot etgan ko'nglimda
bekilayozgan mehr bulog'i ko'zlarini qayta ochmoqchi
bo'lardi.

Endigina savodxon bo'lgan qizaloq uchun men
yozgan kitoblar eng qiziqarli, men kiygan kiyimlar eng
chiroyli va men olib bergan muzqaymoqlar eng mazali.
Xullas, men «Ona qizim» deya alqaydigan qizgina
rahmatlik onam singari har bir harakatimdan illat emas,
fazilat axtarardi. Uning murg'ak qalbidagi ulkan mehr,
onalargagina xos muhabbat shunga undardi, chamasi.

Hovlimizda savr oyi oxirlarida pishib yetiladigan bir
to'p o'rik bor. Bahor qariyotgan kunlarning birida oilamiz
a'zolari jamuljam bo'lib, so'rada ana shu o'rik mevalarini
tanovul etardik.

XATOSINI TUZATDI

Yangi yil kunlari edi. Qizimning kichik o'g'li besh
yashar Mirshod choponing barini xilpillatib,
hovliqancha kirib keldi.

U har Yangi yil arafasida bizdan sovg'a olishga
o'rgangan. Bu gal yigitchaning nimadandir juda
bezovta ekani bililib turardi.

Nihoyat, hiyla taraddudlangach, so'radi:

– Bobo, menga bergan sovg'angiz orasida
moshinchacha yo'q-ku?!

– Obbo, bolasi tushmagur-ey, bu yog'i qandoq
bo'ldi endi...

Sovg'aning ichida moshinchacha yo'q edi-da.

– Mirshodbek, – dedim men, – moshinchani
unutib qo'yibman-ku, kelasi safar.

Lekin bu Mirshodbek deganingiz anoyilardan
emas, undan osonlikcha qutulib bo'psiz.

– Bobojon, – dedi quv nevara, – moshinchani
sovg'aning ichiga solib qo'yishni siz unutmabsiz,
Qorbobo unutgan... Qorboboga telefon qiling, olib
keladi...

Qorboboga telefon qilib, uning «xatosini»
tuzatishga to'g'ri keldi.

O'rik tanovul etayotgan bo'lsam-da, xayollarim
allaqayerlarda sayr-sayohat etishardi.

– Bobojon, – dedi Iroda bir mahal, – mana bu
o'riklarni yeng. Siz uchun tanladim!

Qizchani qo'lida yetilib pishgan to'rt dona sarxil
zardolu bor edi. Uning ko'zlariga tikildim. Bu ko'zlarda
xuddi onam nigohlaridagi singari cheksiz mehr,
muhabbat yolqinlari bor edi. Yuragim zirqirab ketdi.


– O'zing yegin, ona qizim, – dedim.

– Yo'q, yo'q, bobojon, men bu o'riklarni siz uchun
ataylab tanladim! Qarang, qanday chiroyli!

– Ey xudo! – fikran xitob qildim men, – tilimga «Ona
qizim» degan kalimani bekorga keltirmagan ekansan-
da!

Qizaloq qo'lini hamon uzatib turar, uning kaftidagi
bejirim mevalarga qarab yig'lagim kelardi. Bahor
qarigan kunda navbahorning – mehr bahorining nafasini
sezib turardim...

Jo'ra FOZIL



LONDONGA BORSAM, DEYMAN

2008-yil biz yunon-rum kurashchilarimiz uchun omadli keldi. Men bobomning nabirasiman. Bobom Isoq Qurbonov, dadam Farhod Qurbonov, akalarim Olim, Bahodir, Hakim Qurbonovlar erkin va yunon-rum kurashi bo'yicha xalqimizga tanilib ulgurigan sport faxriylaridir.

–Yil davomida bir nechta xalqaro turnirlarda qatnashdim. Muvaffaqiyatlar menga eshik ochdi. 2008-yil menga uch marta o'z tengqurlarim orasida respublika chempionligini hadya etdi. Endi esa Osiyo chempioniman. Ustozim Olim aka har bir polvonga alohida e'tibor beradilar. Salomatligimizni muntazam nazorat qiladilar. Sportchi uchun birinchi o'rinda tartib-intizom, keyingina senga omad o'z eshiklarini ochadi, deydi. Olim akadan nafaqat sport sirlarini, balki yaxshi inson bo'lishdek ajoyib xislatlarni o'rgandik.

Yangi yilda yangi orzularim bisyor. 2012-yil Londonda o'tadigan XXX yozgi Olimpiya o'yinlarida qatnashsam, deyman. Bayram bilan barcha yurtdoshlarimni qutlayman.

2008-YIL TARIX SAHIFASIDA

Erkin va yunon-rum kurashi bo'yicha Osiyo birinchiligi poytaxtimizda o'tgan edi. Mazkur nufuzli musobaqada yunon-rum kurashchilarimiz o'nta vazn toifasida gilamga chiqqandilar. Shulardan sakkiz nafari oltin medalli bo'lishdi. Bunday yuqori natija 2008-yilda qo'lga kiritilganidan o'smirlarimiz va ularning murabbiy hamda ota-onalari behad shod.

Yangi yil ostonasidagi suhbatimizga yunon-rum kurashi bo'yicha Osiyo chempionlari Sherzod Qurbonov (50 kg) va Dilshod Turdiyevni (69 kg) tanladik.

–Sherzodjon, sizlarga o'smirlarimiz hozirga qadar qit'a birinchiligida shohsupaning eng yuqori pog'onasi sira qo'lga kiritilmagan edi. Bunday katta yutuq sizlarga nasib etganligidan xursandmiz.

–Meni endi buvaydalik chempion deyishyapti. Dastlabki saboqlarni Farg'ona viloyati, Buvayda tumanida olganman. Birinchi murabbiyim Qahramon Ibragimov tufayli bugun shohsupadan joy oldim. Hozir Respublika Olimpiya zahiralari kollejida tahsil olyapman. Ikki yillik poytaxtdagi mashg'ulotlar meni bir necha bor xalqaro turnirlarda sovrindorlar qatoridan o'rin olishimga imkon berdi. Osiyo chempionatidagi oltin medalimni ko'ksimga taqqanimda, ustozlarimning mehnatini chin yurakdan qadrladim.

TOSHKENTGA MEHMON KELDI

Aziz futbolsevar bolajonlar! Eshitdingizmi, poytaxtimizga yana bir mehmon keldi. Toshkentning «Bunyodkor» va Ispaniyaning «Barselona» futbol klublari o'rtasidagi hamkorlik aloqasi



kundan-kun kuchaymoqda.

Ayni kunda Samuel Eto'o, Karne Puyol kabi qator jahon charm to'p ustalari qatoriga yana bir futbol yulduzi, Argentina terma jamoasi va «Barselona» klubi hujumchisi Leonil Iyesse keldi. U «Chig'atoy» stadionida yosh futbolchi tengdoshlaringiz bilan uchrashdi. To'p bilan muomala qilish sirlarini o'rgatib, mashg'ulotda qatnashdi. Futbolchi o'rtog'larimizni harakatini ko'rib: «Yaxshi tarbiyalansa, yaxshi o'yinchi bo'lib yetishadi», deya ishonch bildirdi.



ENG YAXSHILAR ANIQLANDI

2008-yil o'zbek sporti uchun omadli bo'ldi. Pekinda o'tgan XXIX yozgi Olimpiya o'yinlarida 58 nafar sportchimiz ishtirok etib, o'z g'alabalari bilan dunyo ahlining e'tirofiga sazovor bo'ldi. Jumladan, erkin kurashchimiz Artur Taymazov Olimpiadaning oltin, Soslan Tigiyev kumush medallariga ega bo'ldilar.

Dzyudochimiz Abdulla Tangriyev kumush medalni qo'lga kiritgan bo'lsa, Rishod Sobirov ko'ksini bronza medali bezadi.

Trampolinchi Yekaterina Xilko hamda sport gimnastikachi Anton Fokinning mahorati ham bronza medalga baholandi. Futbol bo'yicha yoshlar terma jamoamiz

Saudiya Arabistonida o'tgan Osiyo chempionatida kumush medal hamda jahon chempionati yo'llanmasini qo'lga kiritdi. Bu kabi zafarlarni anchagina davom ettirish mumkin...

Yaqinda respublikamizda faoliyat ko'rsatayotgan sport jurnalistlari «Sport» gazetasi tashkil etgan so'rovnomada qatnashib, 2008-yilning «Eng yaxshi sportchisi, murabbiyi, jamoasi» nomini aniqlashdi. Unga ko'ra, kurash bo'yicha jahon chempioni, qator xalqaro turnirlar g'olibi Abdulla Tangriyev eng ko'p ovoz to'pladi. «Yilning eng yaxshi murabbiyi» nomiga esa futbol bo'yicha mamlakat yoshlar terma jamoasi ustози Ahmad Ubaydullayev loyiq topildi.

Shuningdek, O'zbekiston futbol federatsiyasi ham ommaviy axborot vositalari xodimlari o'rtasida so'rov o'tkazib, yil laureatlari aniqlandi.

2008-yilda Osiyo qit'asining «Eng yaxshi futbolchi» nomiga loyiq ko'rilgan milliy terma jamoa va «Bunyodkor» klubi yarim himoyachisi Server Jeparov bu so'rovda ham eng ko'p ovoz to'pladi.

1989-yilda tug'ilgan yoshlardan ajoyib tarkib tuza olgan Ahmad Ubaydullayev «Eng yaxshi murabbiy» so'rovnomasida g'olib chiqdi.

2008-yilda «Osiyoning eng yaxshi hakami» deb topilgan hamyurtimiz Ravshan Ermatov respublikamizda ham tengsiz topildi.

Darvoqe, Ravshan Ermatov yaqinda tugagan futbol bo'yicha klublar o'rtasidagi jahon chempionatining final uchrashuvini boshqardi. Yaponiyada o'tgan musobaqa finalida Angliyaning «Manchester Yunayted» va Ekvadorning «LDU» jamoalari uchrashib, unda 1:0 hisobida inglizlarga omad kulib boqdi.



2008-yil o'zbek sporti uchun omadli bo'ldi. Pekinda o'tgan XXIX yozgi Olimpiya o'yinlarida 58 nafar sportchimiz ishtirok etib, o'z g'alabalari bilan dunyo ahlining e'tirofiga sazovor bo'ldi. Jumladan, erkin kurashchimiz Artur Taymazov Olimpiadaning oltin, Soslan Tigiyev kumush medallariga ega bo'ldilar.

Dzyudochimiz Abdulla Tangriyev kumush medalni qo'lga kiritgan bo'lsa, Rishod Sobirov ko'ksini bronza medali bezadi.

Trampolinchi Yekaterina Xilko hamda sport gimnastikachi Anton Fokinning mahorati ham bronza medalga baholandi. Futbol bo'yicha yoshlar terma jamoamiz

Saudiya Arabistonida o'tgan Osiyo chempionatida kumush medal hamda jahon chempionati yo'llanmasini qo'lga kiritdi. Bu kabi zafarlarni anchagina davom ettirish mumkin...

Yaqinda respublikamizda faoliyat ko'rsatayotgan sport jurnalistlari «Sport» gazetasi tashkil etgan so'rovnomada qatnashib, 2008-yilning «Eng yaxshi sportchisi, murabbiyi, jamoasi» nomini aniqlashdi. Unga ko'ra, kurash bo'yicha jahon chempioni, qator xalqaro turnirlar g'olibi Abdulla Tangriyev eng ko'p ovoz to'pladi. «Yilning eng yaxshi murabbiyi» nomiga esa futbol bo'yicha mamlakat yoshlar terma jamoasi ustози Ahmad Ubaydullayev loyiq topildi.

Shuningdek, O'zbekiston futbol federatsiyasi ham ommaviy axborot vositalari xodimlari o'rtasida so'rov o'tkazib, yil laureatlari aniqlandi.

2008-yilda Osiyo qit'asining «Eng yaxshi futbolchi» nomiga loyiq ko'rilgan milliy terma jamoa va «Bunyodkor» klubi yarim himoyachisi Server Jeparov bu so'rovda ham eng ko'p ovoz to'pladi.

1989-yilda tug'ilgan yoshlardan ajoyib tarkib tuza olgan Ahmad Ubaydullayev «Eng yaxshi murabbiy» so'rovnomasida g'olib chiqdi.

2008-yilda «Osiyoning eng yaxshi hakami» deb topilgan hamyurtimiz Ravshan Ermatov respublikamizda ham tengsiz topildi.

Darvoqe, Ravshan Ermatov yaqinda tugagan futbol bo'yicha klublar o'rtasidagi jahon chempionatining final uchrashuvini boshqardi. Yaponiyada o'tgan musobaqa finalida Angliyaning «Manchester Yunayted» va Ekvadorning «LDU» jamoalari uchrashib, unda 1:0 hisobida inglizlarga omad kulib boqdi.

«JIVACHKA» FOYDALIMI?



«Jivachka»ni asosan tishda kariyes bo'lmasligi uchun bir kunda 2-3 mahal chaynash mumkin.

Saqichga qo'shilgan moddalar organizmga salbiy ta'sir ko'rsatadi. Bularni bola organizmiga katta miqdorda kelib tushishi ularda qorin og'rig'i, so'lakni ko'p oqishi, ich ketishini vujudga keltiradi.

Uyda ota-onalar, opa-singillar qoldirib ketgan «jivachka»ni olib og'zingizga zinhor solmang.

Unda mikrobo'lishi mumkin. Bu holatni chaqirgan mikroblar sizni og'iz bo'shlig'ida in quradi.

Tohir IBRAGIMOV,
oliy toifali shifokor



Bobur hali maktabga bormadi. U Yunusobod tumanidagi «Lola» nomli maktabgacha tarbiya muassasasida ta'lim

O'ZIM CHIZDIM

oladi. Tabiatning go'zalligi uni o'ziga mahliyo etgan, u nimalarnidir tinimsiz chizgisi kelaveradi. Ajabmas, Bobur Tursunovning orzulari kelajakda uni katta rassom bo'lishiga yordam bersa.



BOSH MUHARRIR:
To'lqin HAYITOV

Gazeta O'zbekiston Matbuot va axborot agentligida 0208-raqam bilan 2007-yil 2-fevralda ro'yxatdan o'tgan.

TAHRIR HAY'ATI:
G'ayrat SHOUMAROV,
Dilbar ALIMJONOVA,
Qahramon QURANBOYEV,
Jabbor RAZZOQOV,
Feruz JALILOVA
(Bosh muharrir o'rinbosari),
Dilmurod RAHMATILLAYEV,
Dilshoda DADAJONOVA

Manzillimiz:
700129,
Toshkent shahri,
Navoiy ko'chasi, 30-uy.
Obuna indeksi: 198,
e-mail: tong1924@mail.ru
Tel: 244-27-25, 244-63-08
Tel./faks:
(99871) 244-38-10

Rassom:
Feruz MATYOQUBOV

«O'zbekiston»
nashriyot-matbaa ijodiy uyida chop etildi.
Haftaning dushanba kuni chiqadi.
Shakli A-3,
2 bosma taboq.
ISSN 2010-6092

Adadi - 62974
Buyurtma N: J 6665

Muassislar:

O'zbekiston Matbuot va axborot agentligi,
O'zbekiston Respublikasi Xalq ta'limi vazirligi,
«KAMOLOT» yoshlar ijtimoiy harakati Markaziy Kengashi,
«SOG'LOM AVLOD UCHUN» hukumatga qarashli bo'lmagan xalqaro xayriya jamg'armasi.

Dizayner va sahifalovchi:
Fazliddin SHOYODGOROV
Navbatchi:
Ma'mura MADRAHIMOVA